

南

社

業

刻

南社業刻



南
社
叢
刊

3

朱自清



江蘇廣陵古籍刻印社

南社第十集目次

文六十一首

詩四百六十八首

詞一百二十六首

編一百二十六首

詩四百六十八首

文六十一首

南風集十卷目次

文錄總目

潘飛聲 五首

沈厚慈 一首

黃節 一首

蔡守 一首

黃懺華 一首

吳沛霖 二首

呂志伊 二首

劉謙 一首

傅尊 三首

方廷楷 一首

胡韞玉 二首

胡懷琛 二首

徐自華 一首

陳訓恩 一首

諸宗元 一首

周偉 一首

陳世宜 二首

姜可生 三首

汪文溥 二首

姚錫鈞 一首

高燮 一首

高旭 一首

姚光 一首

黃人 二首

蕭蛻 一首

胡蘊 三首

葉葉 二首

王德鍾 三首

沈昌直 二首

陳去病 一首

蔡寅 一首

柳棄疾 八首

顧無咎 一首

蔡 寅 一首

陳 寅 八首

陳 寅 八首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

王 嗣 三首

南社文錄

越臺秋望賦

番禺潘飛聲蘭史

噫。噫。乎。金。虎。殺。節。朱。鳶。戍。秋。登。越。臺。以。一。望。杳。炎。海。之。悠。悠。森。寒。竅。於。日。脚。悲。
落。木。於。城。頭。念。關。河。之。歲。暮。悼。烽。火。於。窮。陬。對。此。西。風。殘。角。古。堞。危。樓。莫。不。溯。
滄。波。而。欲。絕。感。戎。馬。以。增。愁。若。夫。萬。瓦。欲。流。烟。郭。如。畫。帆。影。無。極。江。聲。忽。邁。遵。
銅。柱。以。爲。期。指。金。湊。而。問。界。睇。澤。國。之。露。零。聽。土。囊。之。秋。噫。攬。佳。日。以。翱翔。席。
嵐。翠。而。成。芥。何。乃。頻。催。白。雁。數。刼。紅。羊。天。慘。慘。而。送。雨。雲。漠。漠。而。含。霜。風。日。淒。
緊。山。川。悲。涼。悵。攜。尊。於。九。日。愁。捐。玦。於。重。洋。登。高。落。帽。望。遠。沾。裳。况。復。祆。氛。上。
河。盤。烟。沈。海。斷。港。蕭。瑟。戈。船。逶。迤。觸。貪。狼。之。兩。角。掉。飢。蛟。之。一。尾。初。捲。浪。於。龍。
堂。近。吹。腥。於。海。市。黃。灣。之。橋。臥。虹。魚。珠。之。山。對。壘。咽。哀。笳。而。未。斷。釣。孤。月。而。忽。
起。則。登。斯。臺。也。將。有。裂。毗。越。裳。嚼。齒。五。嶺。倚。劍。甌。閩。揮。旗。參。井。戮。鯨。鯢。以。封。觀。
洗。劫。灰。於。俄。頃。正。天。地。之。義。氣。壯。河。山。於。服。領。豈。必。撫。空。谷。之。搖。落。弔。滄。洲。之。

頑獷也哉。於是僕本恨人，遙懷曷已。漆室同憂，危欄獨倚。方欲挽銀漢於高秋，請長纓於南紀。腸斷黃花，魂銷白水。下歌舞之岡頭，溯蒹葭於萬里。

二帝子祠碣

蓋聞銅人擁笏，鼻天子莫薦馨香。玉匣葬魂，盤瓠氏誰隆血食。荒渺難稽乎皇古，赫耀莫照乎斯今。乃功在一隅，風雅甫振。澤及千祀，鼎鐘是崇。此居近舜臺，繼儀鳳而響遠。地非禹廟，較微魚而歎深也。二帝子者，黃帝少子，系隆朱邸，位次青宮。雲紀失載，其官天潢，僅修其牒。其時有監國之號，或置親藩，上世無太子之名，亦尊帝冑。蓋帝二十五子得姓，一十四人立嗣。昌意母育嫫祖之昭顯，項高辛孫繼軒皇之統。帝子則以有熊側出，照亞黃離少典庶支，出殊蒼震敷僭維城之助，未膺裂土之封。辭桂殿以入吳，義非采藥別蘭宮而去國。跡類餐薇，於是珠海驂鸞瓊臺叱馭，五羊開路，蛟霧倏清，九旗搖風，鯨波亦息。空賜親賢之第，誰屬思子之宮。溯自賦定揚州，夏后肇分禹甸，山開篁路，熊繹乃有楚。

疆帝子則龍駕早臨肅神威於嶺嶠鳳車遠策辟魑魅於海邦攷義叔之宅南
郊猶其後也若高陽之至交趾豈能先之今夫得人而王者仁者之量也因地
而制秦降王撫茲而峙漢一日虎踞百年鷗張帝子則玉裕英姿金聲華望乘
黃屋而自大保金湯而自強非出意外之求亦屬分中之事而乃靈窟養素仙
巖息鷲梁昭明祇解著書王子晉未聞拜爵求之今哲罕觀其匹謂非高尙足
以忘九五仁讓足以光四海哉況乎渾敦初開精華尙孕雖朱襄造書而儋耳
莫知轉注史皇剋字而珠厓未解諧聲帝子則以天縱之英明特開荒甸之文
運諷赤文而朗暢誦綠字以淋漓長嘯爲鸞鳳之音高歌發金石之響論者謂
南越文章以尉佗爲始豈其然乎迄今風滿靈旗雲生虛壁龍樓雞戟尙欲鶴
禁之儀玉吹金鏡共奏鸞笙之曲盛蘭肴以姬簋奠桂醑以堯尊神之格思憑
依在德祭且徼福享於克誠闡揚聖道播青汗以無窮愧匪雄詞勒翠珉於不

朽銘曰

天生帝子冠冕南服藏靈龍潛韜耀鳳伏位卑巢民臣邁力牧山霞媚人峽雲
眠谷九舜作則十堯建極惟神之靈聰明正直難兄難弟是輔是翼蕩蕩無名
穆穆其德粵無伯益人獸並居粵無神禹九州爲魚越無后稷誰墾田廬越無
帝子安知讀書帝子之形烟霞秀爽帝子之心冰月聰明蘭珮荔裳虎符鶴望
杳冥淒音金石逸響明珠爲臺白玉爲殿良工鑄像肥脂設奠光合陰陽威動
雷電至聖至神無怠無倦民食其德爲之建祠民懷其惠爲之立碑二禺葱鬱
萬古之奇帝子明神萬古之師

楊菽叟桃溪例集第四圖序

吾鄉在珠江之南狀若方壺而萬松山聳其中許丁卯所謂河畔雪飛楊子宅
者也河曲而西水松夾岸十餘里松盡得村曰瑤溪溪又多桃花時紅霞照天
與松翠盪爲雲彩上下異色最稱烟波勝賞有長者楊叟椒坪隱其上入過其

所居茅屋。惟聞朋從吟嘯聲。叟以花朝前二日生。歲遇此日。必攜兒孫招故舊。一艇載酒。溯洄花際。工畫者。繪桃溪例集圖。羣相賦詩爲壽。蓋已數數矣。癸未之秋。余與南海蕭伯瑤訪叟。飲酒看花談笑甚相得。嘗出歷前圖索題。圖中芒屨竹杖。丰采灑然。爲居梅生袁顏卿兩先生。令人有生不同時之概。叟曰。余後作圖。必圖二君以繼居袁。余與伯瑤笑諾之。然心知叟之以居袁推吾兩人也。今歲叟年七十一。大集名士爲第四圖。而伯瑤從丙戌夏客潮州未歸。余亦去秋遠游海外。因貽書告叟。謂圖時須添一白衿少年。攜一卷海外詩。誦於叟側。使閱者必曰。是爲潘蘭史而數日得叟書。則以圖序委余。且云伯瑤來書又謂圖時當畫一酒徒負大瓢。跂而望者。卽爲鮀江贅客。噫嘻。相隔數萬里。何心氣之相通歟。人生會遇恒出意外。若離合先後之間。更奇不可測。余世家龍溪。與叟只隔一水。伯瑤寓鰲洲。且十餘年。竟不獲識叟。於早歲與從居袁之游。旣合矣。又僅四五年而東西分手。徒使遠客羈孤。回憶故園裙屐之盛。文酒之樂。如

在天上其故不能不委之於天然以今日之遠違想他時之重聚必更有非人意料所及者余嘗與伯璠各舉一觴爲叟盡醉曰願叟由耄耄以至期頤皆吾兩人爲叟序也

草色聯吟序

詠物之作大家不廢以其原於比興之旨然必負瑰偉之才窮幽眇之思鉤章棘句物迎鏤解乃能動人清聽楊丈椒坪避世士也家有臺池園囿雜蒔草木經營忘疲恆兀兀于一編坐吟草際凡蟲魚花竹風雲鳥獸之屬摹寫狀態鏤要妙故於詠物諸體爲最工近復賦草色七律若干首及應而和者又若干人聯爲大卷寄徵余和并委題首余飢驅海外與丈別已三年故鄉之思不觸而動因即斯題以寓羈懷顧見丈詩意趣層出所謂人皆刼刼我獨有餘而諸和作氣象從容如見賓從壺觴唱酬之樂余詩則悽激寒瘦又難以塵囂俚鄙之言雖才有不同而身世之抑塞性情之優悒亦可見矣讀此卷不禁愴然自

慨也。

粵東詞鈔三編序

飛聲少時稍學爲詩於詞則未解聲律也嘗讀先大父鐙影詞擬作數首揣謁陳朗山先生先生以爲可學授以成容若郭頻伽兩家詞由此漸窺唐宋門徑心焉樂之。間與友朋唱酬或見近人所作擷其一唱三歎怡魂澤顏者錄爲一編。曾挾之渡重洋讀與山雲海月聽壬辰之秋同里楊椒坪丈有粵東詞鈔二編之選先君子梧桐庭院詞并采入焉發潛闡幽良可感歎然尙有數家未備者因出篋中舊錄諸家詞重加選輯爲粵東詞鈔三編以附二編之後惟吾粵詞人或已佚殘編或遠處異地必有蒐羅所不及者他日當爲補入務期無缺至於作者時代編次後先則不能復泥耳。

悼亡詩序

番禺沈厚慈孝則

亡室黃孺人生長清門夙嫻壺德初知織素即倩人教偶啖蒸梨愛隨嫂學是

以十年待字。早得親心。三日入厨。旋諧姑性。躬親井臼。祀允潔乎蘋蘩。侍奉庭闈。儀克修乎栗棗。既獻酬之莫缺。復伉儷之情深。秋宵而味且載。展春雨而挑燈。勸讀憫長卿之體弱。諫典霜裘。窺季子之囊空。預藏斗酒。凡茲往迹。足證微音。泊夫時遭鋒鏑。民盡瘡痍。僕也身未厠乎兜鍪。眉難效赤公。勉從乎桑梓。心矢輪丹。而乃鉅橋散粟。突來疑謗之叢。清夜辭金。轉受薄言之慙。位屈金貂。謗已招乎薏苡。怒逢銅馬。讞遂待于圓扉。斯時也。孺人淚痕和線。縫入征衣。雲影有心。都隨望眼。況值陰霽。久翳風鶴。頻驚望夫化石。何圖咫尺。而天崖弱女。負床初解。笑啼于膝下。蒼茫俯仰。已增漆室之悲。烽火倉皇。更避武城之寇。孺人至此。心滋戚而病漸生矣。且謂女兒薄命。慣受折磨。子卿還家。詎無消息。猶復侵晨煮粥分饋。征人午夜焚香。當呼將伯。詎料鳩居市定。詎耗驚傳。遭二豎之災。侵術窮苓草。觸雙親之愴。慟痛切藁砧。嗚呼我心匪石。能勿傷哉。今者鏡臺依舊。徒留此日斜暉。蠟屐重臨。非復曩時秋色。香肌猶暖。竟葬玉魚。明月未圓。

魂歸金蛻化爲蝴蝶或續前緣重作鴛鴦都成後約臨流淺土已成蘇小之墳
殘月香詞可乏柳卿之曲用成百絕聊表哀思嗚呼詩成百首難傳別後之情
酒奠一杯化作當前之淚魂兮有知盍歸乎來

厓山志跋

順德黃節晦開

宋史成於脫脫之手其間守義死國之士記載有闕矣明興宜與補拾而遺軼
至今不託於太史則明初諸老有史才乏絕之歎滿洲劉明祚猶却特於宋故
宋史之失弗正於明曷望於滿洲晚明遺烈視宋不殺胡騎騰蹕朔方南下牧
馬有熊之冒蹙國嶺表其事亦視宋彷彿也爾來諸夏光復陳兵建業薦告孝
陵南方將校醇酒郊原亦有紹武君臣之祭若夫全節祠祀則罔聞焉人情懷
近而忽遠詎不然邪是故修史者姝姝近季傳當世之榮而止矣悲夫予嘗有
志修宋迄明之史以峻彝夏大防亦既見諸胡學傳若宋遺儒略論補拾萬一
大業未遑已垂十秋每念野乘曩懼禁燬則鈔采而狙鑠之以俟後賢謂職志

應爾民國建元寧陽趙芷汀遺予匡山志五卷以跋尾見屬將重謀刊此予且
晚所求者校原書闕序及圖又有脫簡則嘗燬於滿洲靡得而補也案新會縣
志匡山志許燭撰重修匡山志黃淳撰匡山志小稿黃士欽撰蓋燭書實先淳
修燭書是刻爲淳書士欽晚於淳故淳書述燭語不及士欽然則燭書以淳而
傳士欽書軼矣三子皆邑人其眷眷於匡山詎以其近邪黃淳紀列忠曰死節
諸臣多不在匡山視死匡山者等惡得無紀於庫詎以其近邪夫華夷之恥自
宋而烈大義不章史職尸咎於今驅除鮮羗數頻復之厲宜就宋而翻明是在
皇史若予未遽衰則是書於我其猶崑崙之竹與

魏曹真殘碑跋

順德蔡守哲夫

魏曹真殘碑亡清道光癸卯吳耐軒訪得云出長安南門外十里許農民耕田
得之士中故趙之謙補寰宇訪碑錄謂碑在陝西比年竟爲僞尙書端方所獲
辛亥革命首誅端方今聞是碑尙在彼處按黃叔璥中州金石考雖引述征記

云北印山有曹眞祠堂碑然已久佚失考未可遽定卽是此石也張德容金石聚汪搃十二硯齋金石過眼錄楊守敬壬癸金石跋皆有著錄攷證詳審何事益言但據近拓本第五行妖道公三字第八行蜀賊諸葛亮稱兵上邽公拜十一字第十一行屠字皆闕是本初拓此十五字均完好如新良足多也癸丑天貺節與謝英伯陳耿夫孫仲英王紅籬過香雪軒同觀余喟然嘆曰滿夷竊我土地二百餘年泊末葉其醜裔端方猶逞權勢強奪巧取盜吾祖國商周秦漢以迄唐宋之金石數千餘種今彼雖伏誅而金石不幸尙藏醜裔之宅吾儕既除滿夷還我土地顧自古金石與土地并重安可民國成立尙容重器爲夷族所有耶願與吾儕急倡議于金陵建國粹院盡取端氏金石以實院中使吾民國與吉金貞珉垂笑于無窮也

與柳亞子書

順德黃懋華 鳳兮

亞子足下欽賢已積寤寐爲懷夢想神馳于茲有年載矣山陽周阮之案足下